

MIZORAM POLICE PRESS STATEMENT

NO.F.14018/1/19-SMC/83

Dated Aizawl, the 15th July, 2020

Khawvel hmasawna thang zel avangin Aizawl khawpui pawh mipui veivak leh lirthei tan a chep ta hle a, lirthei leh mihring che vel enkawlina kawnga Aizawl khawpui tihhmasawna turin Aizawl Smart City Ltd., leh Aizawl City Traffic Police tangkawp chuan kawng hrang hrangin hma an la a.

Mipui kea kalte leh lirthei khalhtuten him leh mumal taka kawng an hman theihna turin Aizawl Smart City Ltd. chuan Aizawl khawpui hmun sawm (10) laiah traffic light hmanga kawng kanna (Pelican Crossing System) chu a lo bun fel ta a. Hei hian traffic enkawlina kawngah nasa taka min puih ngei kan beisei a ni. Lirthei khalhtu leh kawnga kal mipuite'n kan himna tur a ni tih hria a, mahni remchan dan leh duhna lai atanga kawng kan mai lovin, heng Pelican Crossing awmna hmun bikah te hian a bula Traffic Duty te kaihhruainaa kawng kan thin turin kan inngen a ni. Pelican Crossing System awmnate chu:

- | | | | |
|----------------------|-----|------------------------------|-----|
| 1) Chanmari West | - 1 | 5) AR Ground gate | - 1 |
| 2) Zarkawt | - 2 | 6) Treasury Square | - 2 |
| 3) Millennium Center | - 1 | 7) Israel Point | - 1 |
| 4) Civil Hospital | - 1 | 8) Police Station, Babutlang | - 1 |

Tin, mipui veivak kawng kan turte'n him taka kawng an kan theihna turin Zebra Crossing pawh hmun hrang hrangah siam niin Traffic Police Duty-te thu ngaichang chung zela hmang tangkai turin kan inngen bawka ni. Lirthei khalhtute pawhin Zebra Crossing-a kawng kan mek an awm a nih chuan lirthei tihdin tur a ni. Traffic jam lai pawhin Zebra Crossing ah hian lirthei din phal a ni lova, zuah awl reng tur a ni.

Kan Deputy Chief Minister zahawm tak Pu Tawnluia chuan July 17, 2020-ah Pelican Crossing System hi hawngin, mipui hnenah a hlan dawn a. Mipui hnena hlan a nih hnuah Pelican Crossing System awmna hmunah chuan mipui kawng kan dan leh lirthei chetvel dan chu traffic lights (Red, Green) hmangin Traffic Police- ten an kaihruai tawh dawn a ni.

ISSUED BY MIZORAM POLICE MEDIA CELL, PHQ

Copy to:

- 1) Director, I&PR for kind information and to take necessary action for wide publicity to Electronics and Print Media please.
- 2) Director / News Editor - LPS Vision/Zonet Vision/Doordarshan Kendra/All India Radio (AIR), Aizawl.
- 3) President, MJA for kind information and necessary action please.
- 4) SO to DGP(M) for kind information of DGP(M).

(JOHN NEIHLAIA) IPS

Inspector General of Police (Hqrs)

&

Chief Public Relation Officer (CPRO)

Mizoram Police Media Cell